

安雅堂詩集

冊二

安雅堂未刻稿卷第三

萊陽 宋 琬 玉叔著

五言律

書杭州蕭遠堂壁

壬午
四首

家兄構堂止余欲迎老親以居而大河以北道蕪不可行也一日晨興
見雙雀爲巢始成毛羽脩脩有悠然自得之意余喟然心動流涕被面
坐客驚顧至於罷弈蓋是時城墮家破而余不知是詩也遂不幸而識
矣

不出此庭戶連宵雨始安好峯晴若近古樹影能寬几待桐陰覆琴宜月色闌
巢端雙乳雀羨爾室家完

曰唯考卜日本謂汝居之聚散仍茲室春冬復幾時留松將父看封竹寄兒騎
他日癯肥影吾兄夢始知

歸路愁多阻空堂許蹇臨方池行後事獨鶴此時心官況書千帙春光花滿林

猶憐思第切無暇上吳岑

舊雪瓦猶白新除草欲萋到原期筍熟歸尙及鶯啼賓僕寒烟外湖山夜月西
鄉園消息斷行止欲魂迷

紀愁詩

癸未
八首

追維客臘偶留滯於江南今復何時乃棲遲於冀北飄零霜霰沉當草
木之衰顛倒衣裳空數瓶壘之恥悲號而聞隕籜旣自類於窮猿涕淚
而顧空巢復何心於完卵劉越石數深疾疚歛泣何多陸平原悲及懿
親言愁不盡鄉關雲樹怕墮鴻書夢裏樓臺看成蜃市仰天怨白日之
行遲入夜覆紅爐而不暖爰題激楚用寫羈愁惟抒庾信之哀莫罄江
淹之恨譬之蟲鳴寒月偷喙息於人間庶幾樹靡咸陽託音書於地下
云爾

喪亂人多履憐余禍獨奇鵲鵲原有淚烏鵲竟無枝世短星辰徙天高雨雪私
弓裘一以沒愧殺學爲箕

豈曰無兄弟，勞勞但覺孤。未歸深自恨，不死欲何圖。舊巷狐狸怒，空城鳥鵲呼。
艱難思草木，何得寸心無。
蒯屨遙瞻闕，麻衣罷倚廬。愁從人去後，亂憶我生初。鄭國唯存笏，班家有賜書。
昨來經廢邸，想像奉籃輿。

兵火心猶栗，音書骨尚驚。下殤憐弱子，肯構賴吾兄。假寐時求夜，無言坐到明。
故園當此際，安敢問人情。

霜雪夜蕭蕭，燕臺客寂寥。舊遊人可數，新鬼賦難招。世態疎任昉，交情望孝標。
少年同學者，若箇已雲霄。

中夜起徬徨，胡爲滯此方。淚如浮枕去，夢不信家亡。仰面霜盈屋，開扉月滿梁。
曾聞飛海水，今日果滄桑。

平安頃有信，吾弟近如何。身屢供刀俎，魂猶怯網羅。避人依海曲，瘞骨向山阿。
賴有良朋在中宵，共枕戈。

骨肉此離後，那能歸去來。寸腸能幾許，一日必千迴。大澤龍初逝，恒山鳥可哀。

此身甘隱逸終翦墓邊萊

京口送房周垣北歸

以下乙酉四首

客魂銷已盡況復送君歸身外無完策江干有落暉親朋存與沒城郭是還非
極目多戎馬停橈淚一揮

間關江海路契闊死生餘忽憶同遊地今成異姓廬何年將恐懼有夢見邱墟

倘過先人墓荆榛賴掃除

時余家宅第爲邑豪所據

尊酒話班荆烽烟鐵甕城送君如士會爲我謝田橫漂泊牽吳榜悲歌變羽聲
孤槎衝巨浪猶憶向南征

江城馳白羽客淚滿青衫大海千峯雨全家百尺帆各嗟新短鬢持贈舊長鑱
間道如能達書來蠟作函

惠山次左匯海韻

逶迤千嶂亂撥棹入孤烟磴道流松影鶯啼過客船蒼崖宜結屋白袷欲棲禪
滿酌雲根水漁燈聽雨懸

示孤姪

已辨遊山屨低徊爲爾留難於兼母道重以別家愁
燕壘嗟頻墜鵲原詎可求
下宮冤未雪涕淚授春秋

喜晤孫佗山有贈

二首

長于揮涕別之子遂遐征國漸思劉向人誰問長卿
霧埋江總宅雨暗闔閭城
賴有珠盈掌能令匣劍明

時佗山公子至自青州

燈火光猶昔干戈遽爾違關河催夢老文字見兵機
君握珊瑚玦余裁薜荔衣
援琴三弄罷曲曲雉朝飛

時佗山與余俱有烟之舉故云

曲水菴寓居次趙韞退韻

四首

埜塘穿竹入漁艇未全知塔影孤雲際鐘聲暮雨時
草蟲吟砌早溪鳥破烟遲
隣叟偶相值脩然蓑笠期

葭莢蒼茫甚澄波起夕涼汀烟移樹色佛火入山光
曲岸回舟遠微風引磬長
相將縛芒屨看竹白雲房

好友每偕臥幽溪快獨尋歸雲迷遠棹纖月出疎林階下鷗鷺宿牀前絡緯吟
北高峯可望向夕禮鐘音

干戈妨道路浦漵暫還僧
鬪黃精返人隨白鳥來
飯魚荷沼亂看月竹屏開
歎息淹留久衣襟滿綠苔

湖上雜詩

十首

鼙鼓今何地翻疑此不聞
愁看三竺月空憶二勞雲
鬪筍凌晨起彈棋到夜分
野鷗何意緒亦似惜離羣

古寺荒荒兩羈心竟若何
音書天外斷骨肉夢中多
有地容樵牧無家問薜蘿
餘生安可料假寐尙無吶

山色南屏好空濛半有無
曲塘容舴艋衰柳臥鷓鴣
雲起千峯亂天晴一塔孤
興來思遠眺羌笛滿西湖

地僻人宜懶溪深僧亦愚
所親惟敝屨多累是殘書
卷幔容棲鳥閒階欲上魚
客來城市裏戰伐近何如

故國存良友多應賦采藍無書通楚北有客滯周南欲隱還垂釣將歸必結菴
生平戎馬後不敢恨江潭

小閣橫塘接盈盈一野航花邊歸浣女竹外出漁榔雲水常蕭瑟蒹葭自渺茫
不因飄泊甚此地亦滄浪

舉室仍淹泊相看月又弦隔溪通僕語傍樹起人烟似欲忘蓬徑憑誰乞酒錢
小舟來往熟不復用長年

長夜多蕭瑟簷鈴與佛燈歸人從鳥路落日在漁罾石榻留雲宿烟巒少客登
有誰問名姓天外一孤僧

生趣飄搖盡天涯涕淚侵寒鷗分曉夢荒草蔓歸心散髮晞桐露移書就竹陰
楊梅微雨後攀摘到幽林

舊里蓬蒿徧他鄉道路違正愁聞鷺語久客羨鴉歸老僕分饘粥山僧貸葛衣
所懷無一就深覺負魚磯

尙憶分湯餅俄然換繡襦懸弧猶故里蹟面是窮途學語全兼浙呼僮或類吳
風塵愁汝父亦解擲戈無

石慶病慰家兄作

姜被連牀夜驚心坐起頻良醫顧顛少亂日客囊貧兒類終童子余慚第五倫
更闌聞笑語相顧慰顏嗔

悼亡僕

汝病乏良藥吾貧止敝帷却憐黃耳沒漸覺黑衣稀妻子一時淚主人何日歸
倘能啣木石長向海東飛

中元作

是日大風雷電

餘腥辭墓後瓊尾倍堪憐望斷梧桐影魂迷桑柘烟風雷生萬感魚菽廢三年
奴僕潛垂泣何方覓紙錢

舟過茅村茅望子出其尊人遠士先生遺詩相示甲申之變先生蓋絕粒
死感而有贈

夙昔歌朱鳳飄流到墨莊寇封王蠋墓人聚鄭公鄉
令子傳經術遺文發劍光拜瞻雙柏下未忍遽鳴榔

贈茅望子

時同行諸子甚衆望子慨然假館且人爲之所

歷相江南士如君人最稀世情紛不定吾道日多違
張儉非亡命林宗一布衣浣花村可假爲拂釣魚磯

簡邱子廩

十載論心久交情片語中毀家羞趙勝懷古得張融
賦命窮偏似爲人淺略同愛君多病骨猶有五陵風

初至汾湖喜方爾止潘江如錢馭少過訪

痛飲江樓日常詢廿八都干戈餘此地烟水待吾徒
荻岸千家隱菱花一槳孤啣杯忽洒淚麋鹿滿姑蘇

懷潘江如錢馭少

何地堪追憶南徐共酒尊名齊陸內史人似李長源
慷慨還看劍飄搖欲灌園

故人期共隱頻到灤西村

王胥庭養病湖畔余亦病劇久不晤屢以詩來訝其驟進答此并呈敬老
憶昔燕臺飲杯闌喚阿戎君才誰與匹余鬢已成翁門巷原江左綸竿寄海東
新詩起我病只是恨飄蓬

趙韞退有暴客之警走問

三首

布帆相次發客路自多驚余避苕溪驛君過橋李城紛紛白水讖草草綠林兵
此輩須臾爾秋壕骨已平

別後心方折書來病愈加中原方逐鹿南國游長蛇旣乏袁閔里難迴墨翟車
依然秋水上相望隔蒹葭

古寺歡連榻西溪恨別筵囊惟新白雪官有舊青氈離亂誰能免艱虞爾獨先
高堂應嚙指茲日倍心懸

韞退嘉禾之變墜水得免未幾家兄與余溺焉亦幸無恙作此志慨并寄

趙子

筮得號咷北鮫宮幾與隣何堪同作客各訝再爲人世亂輕膚髮時危聽鬼神
鄉關那可望日夜泣波臣

龍潭道上

驢背經過屢蕭然一蒨緌餘波通震澤宿霧接邗溝廟略無中策軍書赴上游
五陵蔥鬱色回首鳳皇樓

京口遣懷時江上戒嚴

喪亂逢今日馳驅弱此心出忘南北路坐廢短長吟竹籜懷新雨櫻桃憶舊林
緘書那可寄鄉國少來音

贈未生上人

飄泊身爲累相逢羨爾孤悟從微雨歇夢入曉鐘無洗鉢中冷水看雲五嶽圖
爲因禮塔後篝火話粉榆

張季昭室人赴水盡節悼之

二首

西郊烽火逼南浦折雙鴛荷葉留鈿影菱花帶血痕空啣精衛恨莫返杜鵑魂

況值安仁病秋風聲暗吞

斂涕拭紅粉捐生泣白蘋懸知裂鏡日猶念畫眉人落木悲湘女淩波見洛神
異時劉向傳彤管未能湮

葉鴻振年伯以書舍借居賦謝

公有才女小鸞早卒有午夢堂集所假之館卽其室也

游子悲無怙登堂病已蘇家全分邸宅報欲覓隋珠芳草傷彤管閒庭響碧梧
慚余鳬雁侶日日對鸛雛

春日曹侍御秋岳齋中社集

綺樹鶯猶蟄幽齋花正繁風烟嘶代馬賓客似梁園白雁愁邊盡青山雨後尊
鄴中冠蓋集吾道至今存

亂後入京喜晤米吉土賦贈

八首

恨別頭俱白相逢眼尙青興亡如夢寐南北見飄零冰雪尋山屐干戈注水經
啣杯收涕淚一一話新亭

詎謂逢戎馬猶然戀薜薇恥爲窮鳥賦甘臥敝牛衣鷓鴣聲何切驊騮骨豈肥

寸心搖落盡畏見柳依依

關河經百戰霜霰忽三年明月應同望秋風私自憐音書思趙土涕淚問吳天
零落真堪惜君家書畫船

適越歸來後方知行路難眼枯唯汝共舌在復誰看落日幽州白悲風易水寒
呼兒具燈火商略及漁竿

昔我辭鄉縣飄搖到會稽應慚磨鏡客詎有負羈妻垂老憐鬢鬢生還習鼓鼙
祇今仍泛泛故國況蒿藜

秋杪傳書日天隅把袂初異時悲楚越吾道泣應徐

傷范若侯楊王喬之沒

莫覓中山酒

難忘下澤車平生江海志相向意何如

聞道春風好羈人實不堪愁看征雁北莫問戰城南醉欲摧琴柱狂來拂劍鐔
子雲元草在當世幾桓譚

誰分俱無恙離憂政細論悲深非擊筑驚定與招魂春韭煩兒女寒燈慰弟昆
憐余驅款段鎮日到柴門

張幼量話金陵夙游賦贈

首二

長干爲客日相顧，意飛揚贈我青蓮屋。
分君白鶴糧，言愁偏對雨。惜別欲啼蜚，
檣草猶堪把何人識孔璋。

名園南郭外公子，命扁舟楊柳橋邊月。
芙蓉浦裏樓燕山，猶昔日江水自東流。
我欲乘吳榜，同君問莫愁。

送龔孝升先生守制歸廬江

首二

搖落秋風裏，登高見素車。周南太史淚，
江表子山書。蟋蟀聲中舫，蒹葭影外廬。
故人曹子建，寂寞意何如。

冠舄思商老，烽烟泣楚臣。青楓千里暮，
白雁五湖濱。擊筑人皆散，垂綸事果真。
孤帆對明月，處處客愁新。

贈別曹秋岳太僕

首十九

伊余狂未減，君豈拙無徵。雨雪餘梁苑，
川原望灞陵。時危輕白璧，道在有朱繩。
故國蓴鱸思，懷哉張季鷹。

未暇浮滄海從人閱市朝諸侯初列第使者舊乘輶哀笛孤城急雲颿極浦遙
不須歌桂樹忌諱到漁樵

浩歎思今古同悲去住身乾坤餘我輩睥睨竟何人詞賦還哀郢危言屢借秦
李侯終不賤醉尉莫須嗔

杯酒論交日天隅歲宴時懷人三秀草傷亂七哀詩塞管黃沙暗江楓白雁遲
晨風有高翼弋者更何疑

家國蒼茫外江河感慨中露臺方繫馬碣石有飛鴻風雨金人掌文章白虎通
艱難商出處貰酒向新豐

誰信崑崙坼虛言閭闔開風塵淹國士日月老卿才封事留丹檻藏書號玉杯
傷心孝武紀弓劍有餘哀

世事宜高枕悲涼倚暮笳酒人還擊筑遷客賦懷沙問俗青驄馬思歸白鹿車
尤知君子意終是戀烟霞

秉燭藜牀夜芳樽對浩歌朱門儼似昔青眼自無多天意摧龍性人情厭雀羅

西山微雪後佳句示羊何

李子多沉思龔卿雅好文一時悲越鳥千里隔江雲落日明駝影西風班馬羣
愁心何所寄爲弔望諸君

彩仗天閑內曾聞君馬黃感時歌小宛諷諫託長楊大雅翻凌替羣才日陸梁
冥鴻自千里矰繳未須防

何用哀時命懸黎本易汙文章羞絳灌世態漫蕭朱霜滿蛟螭匣風驚朝夕鳥
扁舟曾有約雙買白蘋湖

自得高陽侶常懷杜曲游徵詩容袒褐留客醉篴篥鴻雁三更榻星河百尺樓
漢家恩澤表若箇已封侯

平生山水癖似悔未抽簪自愛吳都賦相憐漆室吟酒杯堪跋扈宦跡合浮沉
惆悵燕昭客高臺獨至今

卜築穿清沼孤亭號采山到來看鳥立相與飯魚還雙闕參差外諸峯窈窕間
一從辭二仲不復更躋攀